

D. D.

DISSERTATIO HISTORICO - PHILOLOGICA

DE

T R O J A N O N C A P T A

Suffragio Amplissimæ Facultatis Philosophicæ

In Regia ad Auram Academia

SUB PRÆSIDIO

CELEBERRIMI VIRI

M. TORSTANI RUDEEN,

Poësios Professoris Ordinarii

HONORES ACADEMICOS ADITURUS

Candidè Philosophantium sensuæ sicut

J A C O B U S E R E U N D J. F.

In Auditorio Maximo

Novem. 1694.

ABOÆ, Impr. apud Jo. LAURENTII WALLIUM.

И. А. БОЛДЫРЬ

Сборник стихов

издан в 1905 году в Петербурге

Составил Илья Болдырь

Издательство А. С. Пушкина

Санкт-Петербург

1905 год

Составитель Илья Болдырь

Издательство А. С. Пушкина

Санкт-Петербург

1905 год

Составитель Илья Болдырь

Издательство А. С. Пушкина

Санкт-Петербург



D. D.

C A P . I.

*Ubi manutissimæ urbis Trojæ origo, situs, imperium,
Et quæ alia ad historiam ejus faciunt breviter
recensentur.*



Ristoteles, qvem tam Philosophorum lumen, quam inventorem rerum non vulgarium, unanimi consensu facit orbis literatus, libro suo qvem Eth. Primum appellat, cap. 4. in hanc sententiam loquitur; sanctum est, inquit, veritatem omnibus in honore anteponere, & nos oportet pro veritatis salute ita invigilare, ut unusqvisque propria sua dogmata revocet atque refutet; Qvibus verbis veritatis cognitioni, ejusdemqve incorrupto usui, palam jure meritoqve tribuit, præ rebus omnibus, qvas mortales summo studio colunt, & (pax verbo) pro miraculis celebrant. neqve hoc injuria; illa cum cognitio Philosophum unice deceat, qvæ circa veritatem rerum occupatur; ut ut autem ipsa Philosophandi ratio varia fuit pro temporum varietate, in tres tamen partes divisa maximè floruit; qvarum prima libera est, qvæ nullam

lam opinionum sectam suam faciens, veritatem robustam
 sibi examinandam proponit: hæc pricis Philosophis o-
 lim erat propria, qvo nomine modo nominatus laudatur
 Aristoteles, qvi antiquorum dogmata, & inter reliqua sui
 quondam præceptoris Platonis, libere absqve ullo respe-
 ctu examinavit, immutavit, & castigavit, unde Philoso-
 phia illa cujus origo ipsi tribuitur vocari consuevit
^{επισήμη τῆς ἀληθείας γεωγλυπτή}, qvod nomen sortitur lib. 2.
 Metaph. cap. 1. Altera philosophandi ratio veteribus se-
 ctariadicta est, qvæ ad certam sectam adstricta ~~τὰ μὲν~~
~~τὸν ἄρθρων~~ habuit in deliciis. illa Pythagoricis erat pro-
 pria, qvibus adeo solenne erat illud ~~ἀντὸς ἐφα~~, ut præ-
 ceptoris sui verba pro divinis habuerint, unde temporis
 progressu contigit illos in eum errorem adeo prolabi ut
 in dicti philosophi verba jurare non abhorruerint.
 Tertia ratio illa est qvæ media audit, hæc ad nullius vel
 autoritatem vel sententiam alligata, ad veritatis regu-
 lam sese componit, cui unice studens tempus terit, ita ta-
 men ut autoritates antiquorum in pretio habeat, sed
 in quantum illas videt veritati consentaneas. atqve hæc
 ratio philosophandi D: Augustino, inter aliqua mundi lu-
 mina, maxime placuit, qvi Gryconico grammatico Cy-
 priani autoritatem citanti, belle respondit; qvidqvad in
 antiquorum scriptis veritati congruum est, cum laude
 eorum recipito, qvod autem veritati repugnat, cum pa-
 ce illorum rejicio. Patres cum olim lumina fuere non nu-
 mina: talis enim Philosophia ab illis, qvibus ex meliori
 luto finxit Titan præcordia, habetur in deliciis, qvæ
 agit πρὸς ἀλήτεα & κατ' ἀλήτεα, non πρὸς δοξάν sive juxta
 aliorum opiniones, hanc disqvirendi rationem ceu etiam ab
 antiquis usitatam, & unanimi calculo, nostro ævo rece-
 ptam.

ptam, eoqve nomine optimam & præstantissimam sequutus, mihi proposui aliqua de antiqua illa, suæ olim gentis gloria, Troja dicere, antiquorum in hoc negotio ad maximam partem scripta sequutus, in quantum illa non vidi a veritate aliena. Hanc sitam fuisse in oris Phrygiæ & ad radices montis Idæ qvas alluit Fluvius Xanthus, testantur variæ historiæ, quorum aliquæ etiam memorant, illam ædificatam Anno post diluvium 828, aliis autem alia arridet sententia, sc: referunt tempus ædificationis ejus ad annum 1200 ante natum Christum, qvorum & autoritates & sententias, prolixa serie citat ipse Experient: Sebas: Munster: in sua Cosmographia libro 7 de Asia pag. 1476. Imperii Trojani gubernaculis sex Reges, ob eximia gesta posteritati commendabiles, præfuerunt, ut sunt Dardanus, Critous, Tros, Ilus, Laomedon & Priamus, cuius imperii tempora bello, qvod cum Græcis 10 annorum decursu gesserunt Trojani, dedere materiam; cuius causam hanc fuisse Poetæ præcipue tradunt. Erat Priamo filius decora facie adolescens, cui Paridis nomen erat, hic studia & artes liberales statim ab incunabulis cura non spernenda tractans, sibi reddidit familiares, unde temporis progressu in omni scientia tanta cepit incrementa, qvanta omnibus fuere miraculo. Hac tempestate, ut fabulantur poetæ, suas celebravit nuptias Thetis & Peleus qibus omnes Dii, convocati adfuerunt, unica Dea discordiæ excepta: hæc ægræ ferens se a reliqvorum consortio separari, materiam excogitavit sibi illatæ injuriæ debito modo retribuendo obviam eundi, pomum iraque aureum in domum convivatoribus plenam per nefstram immisit, cuius latera hæc ornavit inscriptio, *pulcrior accipiat; qvæ res implacabili controversiæ ortum præbuix*

buit inter tres Deas qvæ suo judicio singulis venustate faciei, qva erant ornatissimæ, videbantur palmam prærepturæ. ad Jovem igitur tanq;am judicem Deorum antiqvissimum & eo nomine æqvissimum sese contulerunt, singularæ spe potundi pomi turgidæ, Jupiter autem, difficultate rei cognita, noluit in hac tam ardua controversia iudicis partes sustinere, illas ad Paridem pecora ad Idam paſcentem cum Mercurio misit, illis persuadens, ipsum ad rectam sapientiæ regulam laturum sententiam. ipſæ autem Deæ videntes causam suam apud Jovem non futuram in pretio, Paridem conveniunt, ab illo tanta reverentia, qvanta Deabus conveniebat, petentes ut de illarum pulcritudine justam ferret sententiam, singula illi offerentes dona; Juno Asiæ & Europæ Imperii habenas, Pallas illum in sapientissimum totius Græciæ evasurum promisit. Venus autem spem illius lactavit potundi elegantissimam conjugem si in victoria formæ, sibi ad iudicandæ, auxiliatrices ipſi manus porrexisset; Ipse autem Paris, spe potundi elegantissimam conjugem flagrans venerem ut pulcerrimam omnibus præposuit, ipſi pomum tradens. Postea Cytherum, ubi templum modo nominatae Deæ sacrum erat. se contulit, ibiç Helena Venoris consilio ipſi erat obvia; Hæc Paridem videns amore accensi cum illo Trojam sese contulit, relinquentis Menelaum conjuge spoliatum. Ubi vero fama rei ad aures fratrum dictæ Helenæ pervenisset quorum uni nomen Pœllux alteri Castor, cum exercitu fugientium vestigia presserunt. Adversa tamen fortuna; Helena enim intra urbis Trojanæ mœnia jam jam recepta, in Græciam redditum parare noluit, unde Menelaus dolore captus, causam fratri suo Agamemnoni detu-

I.

An Homerus, quantum ad belli Trojani descriptionem, non
idoneus Autor, cuius scriptis, ceu Historicae veritatis
fides potest baberi? Neg:

II.

An omnis Priami sanguis in Trojano bello à Gracis ex-
stinctus sit? Neg.

III.

An Troja Græcorum armis succubuerit? vel potius fune-
stior fuerit eventus istius belli Græcis, quam Tro-
janis? negatur prius, affirmatur posterius.

IV.

An genti Gothicæ suam debeant originem Trojani? Non
vero absimile videtur.